



---

Broj: 03/1-50-14-7-5-16-8/16  
Sarajevo, 1. 2. 2016.

**PREDMET: Informacija o učešću u radu Regionalnog parlamentarnog dijaloga o upravljanju migracijama, zaštiti izbjeglica i borbi protiv organiziranog kriminala, Beograd, (26. i 27.11.2015.)**

Predsjedavajući Zajedničke komisije za odbranu i sigurnost BiH (ZK) Sifet Podžić i član Zajedničke komisije Mario Karamatić, kao i Ljiljana Milićević, sekretarka Ureda sekretara ZK, učestvovali su u radu Regionalnog parlamentarnog dijaloga o upravljanju migracijama, zaštiti izbjeglica i borbi protiv organiziranog kriminala, koji je 26. i 27.11. održan u Beogradu.

Dvodnevni skup u Narodnoj skupštini Republike Srbije okupio je parlamentarce i eksperte iz cijelog regiona s ciljem razmjene naučenih lekcija u državama jugoistočne Evrope o izbjegličkoj krizi.

U obraćanju učesnicima skupa predsjedavajući Zajedničke komisije za odbranu i sigurnost BiH Sifet Podžić govorio je o aktivnostima Zajedničke komisije za odbranu i sigurnost BiH, Parlamentarne skupštine BiH i Vijeća ministara BiH, kao i Koordinacionog tijela BiH za pitanja migracija i izbjeglica, te policijskih agencija iz sastava Ministarstva sigurnosti BiH i sektora sigurnosti u cjelini. Podžić je posebno istaknuo značaj koordiniranog regionalnog djelovanja i međusobnog informiranja s ciljem sveobuhvatnog pristupa u rješavanja problema izbjegličke krize.

I drugi učesnici skupa u Beogradu naglasili su da je od suštinske važnosti da se parlamentarci država pogođenih izbjegličkom krizom sastaju, razgovaju i da, blisko sarađujući, dođu do najboljih rješenja.

Posebno je ukazano na značaj podizanja svijesti o mehanizmima koji postoje za upravljanje i osiguravanje granica, kao i na potrebu preduzimanja koraka koji će u praksi osigurati koordinaciju između odgovarajućih vladinih i institucija iz sektora sigurnosti.

Razgovaralo se i o opcijama koordiniranog regionalnog pristupa, koji dopunjava i ojačava

nacionalne strategije u vezi sa izazovima koje nosi migrantska kriza.

Skup u Beogradu održan je u organizaciji Odbora za odbranu i unutrašnje poslove Narodne skupštine Republike Srbije i uz podršku Ženevskog centra za demokratsku kontrolu (DCAF) i Švicarske agencije za razvoj i saradnju (SDC).

Predsjedavajući komisije

**Sifet Podžić**